





Улуус нэһилиэктэригэр

## ТЭТТИК СОҢУННАР

Уопсайа Хатын Арыы нэһилиэгэр: 30 оҕо, 493 ныйрэй төрөөтө, тохсунньу ыйтан бэс ыйыгар диэри 52 тонна үүт туттарылынна, 163 га от охсудуна (130 тонна).

«Кур оттооххо» «Маяк» ОСХПК сайылыга үлэли турар, 51 ыанар ынах баар (чааһынайдар). Эбэҕэ «Кымысчыкка» (Стручкова Е.И.) 15 ыанар ынах баар.

Икки үүт тутар пуун үлэли турар: Аппааныга Петрова Марта Петровна, Кыһыл Дэриэбинэҕэ Евстафьева Туйара Никитична үлэлиллэр.

Икки биригээдэ Партизан үрдүгэр «Хатын Арыы» МСХП, сал. Бурнашев В.В., «Эт-Ас» ХЭТ, сал. Окоемов П.П. мобильнай этэрээттэрэ окко тахсыахтара.

«Суһаһыт» ААО 150 га, «Хатын Арыы» МСХП 200 га, «Эт-Ас» ХЭТ 100 га кормовой ыстылар.

Винокурова Л.В., Новгородов Б.Г., Сучко Н.К., «Энсиэли» к/х Винокуров З.И., уопсайа 64 га хортуоска, 4 га моркуоп ыстылар.

Иккис сезонна Хатын Арыы нэһилиэгэр «И.Е. Винокуров аатынан Хатын Арыы орто оскулатын» баҕатыгар иккис сылын «Чороон» КДУ, музей, ДШИ, ОПМФК и С оҕолору сайынҥы сынньаланҥын хабаллар. Билигин «Кэскил» лаабыр 40 оҕону хабан үлэли турар. Маны таһынан Граф Бизергэр, Кыһыл Дэриэбинэҕэ «Самородок», «Сайды» сынньалан кииннэрэ оҕолорго аналлаах лаабырдары үлэлэттилэр. Граф Бизергэр «Мужество», Аппааныга «Пионер» дьиэ кэргэн үлэ лаабырдары үлэли тураллар.

**Н.Д. СИВЦЕВА,**  
Аппааны сэл.

Спорт – доҕордоһуу  
түһүлгэтэ



От ыйын 11-12 күннэригэр Дьокуускай куоракка II Республикаатааҕы Добровольнай баһаарынай охрانا подразделениеларын күрээбэ ытылынна.

Урут манньк күрэх 15 сыл анараа өттүгэр ытыллыбыт. Нам улуунун чийин Хатын Арыы нэһилиэгэр быйыл ыам ыйын 1 күнүгэр саҥа тэрилбит добровольнай пожарнай хамаанда көмүскээтэ. ДПК начальнигынан Шадрин Айнаал Афанасьевич ананан үлэлиир. Хамаанда 10 киһиттэн турар, уолаттар бары кытаанах нормативы туттарбыт, армияҕа сылдыбыт эдэр ыччаттар: Шадрин Айнаал, Корчанов Валентин, Колесов Егор, Дьячковская Петр, Андреев Федор, Уваровская

Петр, Николаев Виссарион, Никифоров Сидор, Максимов Вячеслав, Винокуров Анатолий. Уопсайа күрэххэ республикаттан 5 хамаанда кытына: Дьокуускай, Кангалас, Горнай, Нам, Мэнэ – Хагалас. Күрэх 5 этаптаах ытылынна манна барытыгар биһиги уолаттарбыт хаалсыбакка, бэйэлэрин доҕурдарын, бэлэмнээхтэрин көрдөрөн, бары бири түһүү күүс буолан манньк көрдөрүүлэннилэр:  
1 түһүмэххэ – бэйэни билиһиннэри – 2 миэстэ;



# ДОБРОВОЛЬНАЙ БАҔААРЫНАЙ ОХРАНА КҮРЭБЭ

2 түһүмэх- домино – 1 миэстэ;  
3 түһүмэх- эстафета – 2 миэстэ;  
4 түһүмэх- боевое развертывание – 3 миэстэ;  
5 түһүмэх- волейбол – 3 миэстэ.  
Домино күрээбэр Корчанов Валентин, Винокуров Анатолий 1 миэстэни ылбыттар.  
Онон уопсай хамаанданан көрдөрүүгэ 2 миэстэни ыллылар. 1 миэстэни Горнай улууна, 2 миэстэни Нам, 3 миэстэни Мэнэ-Хагалас улууна ылла.

Хатын Арыы нэһилиэгин ДПК хамаандата Нам улуунун чийин көмүскүүрүгэр күүс – көмө, өйбүл буолбут «Хатын Арыы нэһилиэгэ» МТ баһылыгар Ю.И. Слепцова уонна Намнааҕы ОГПС №23 начальнигар И.В. Колпашиковка барҕа махталларын тирээдэллэр. Улахан күрэххэ ситиһиллэн кэлбит ДПК хамаандатыгар инникитин да үрдүк ситиһиилэри, дыһыардаах, күрүгөмнээх үлэни баҕарыабын.  
**Н.Д. СИВЦЕВА,**  
Аппааны сэл.

Спорт – дьулуур, спорт - тулуур



## КЫАЙЫҔА ДЬУЛУУРДААХТАРЫН КӨРДӨРДҮЛЭР

От ыйын 12-13 күннэригэр Хагалас улуунун Нөмүгү нэһилиэгэр культура үлэһиттэрин профсоюзун киин уонна өрүс уңуордааҕы 8-с спартакиадалара буолан ааста.

Республика улуустарыттан барыта 8 хамаанда кэлиэхтээбиттэн 5 хамаанда мустан спорт 6 көрүгэр, ону тэнгэ «Айар талааны көрүү» конкурса, «Тулаһыыр эйгэни харыстааһын» сылыннан «Түһүлгэ кизэргэтиитэ», «Бэйэни билиһиннэри» курдук интэриэһинэй куоталаһылар балаһыанньа быһытынан уопсай түмүккэ кириэхтээхтэрин хара бастакыттан Хагаластар бөлөмө суохтарыттан икки көрүгү – «Түһүлгэ кизэргэтиитин», «Визитканы» - балаһыанньаттан туоратан кэбистилэр. Атын көрүгүнэр 5 хамаанда иһинэн

сүрдээх хатыһылаахтык, үрдүк таһымна аастылар. Бастакы икки көрүгүнэ – «Волейболга» уонна «Ытыыга» – Нам иккиэннэригэр 1-кы миэстэни ылан инники күөҥнэ таһыччы тахсан кэлбитэ атыттары сөхтөрдө. «Волейболга», финалга, Чурапчылары кытта сүрдээх хатыһылаах, интэриэһинэй, сытыы оонньуу буола. Иккис период кэнниттэн ахсаан 1:1, үһүс быһаарылаах партияҕа ахсаан 13:9 Чурапчы туһатыгар буолар. Подачаҕа биһигиттэн Сандр Находкин тахсар, ахсаан - 14:14. Долгутулаах бүтэһик охсуу. Уу-чуумпу. Подача тахсар, Нам үчүгэй көмүскэнини онорон кыайан тахсар. Дьэ, бу чаччы кыайыи иһин дьулуур, кыайыыга эрэл. Бу оонньууга ахтан аһыахпын баҕарабын кэрэ-анардартан эл-

бэх мээчиги таһаарбыт, кыайыи туһугар элбэх очкону аҕалбыт Вера Васильевна Колпашикованы, уолаттартан үчүгэй оонньууну көрдөрдүлэр Январий Неустроев (Үөдэй), Игорь Гоголев (Нам). «Ытыыга» эр дьонго Алексей Акимов үчүгэй түмүгү көрдөрөн бастаата. Кэрэ анардарга Уус-Алдан кыһыттан 1 очконан хаалан Вера Колпашикова 2-с миэстэҕэ таһыста, уопсай түмүккэ Нам хамаандата «Ытыыга» үчүгэй түмүгү көрдөрөн 1-кы миэстэҕэ эрэллээхтик таһыста. Өбүгэ оонньууларын «Хохуун Хотой» күрээбэр кыттыбыт Руслан Новгородов үс көрүн түмүгүнэн үчүгэй бэлэмнээбин уонна кыахтаабын көрдөрдө. Бастакы көрүгүнэ «Сүүрүүгэ» хайаларын да иннигэр түһэрбэтэ, барыларын кэннигэр хаалларан биэтэккэ баста-



кынан кэлэн бастаата. «Өһөс торбоско» 2-с, «Таас көтөбүүтүгэр» 3-с буолан Нам Хамаандата инники күөҥнэ тахсарыгар бири наадалаах очкону аҕалла. Иккис күмүтүгэр кэлин икки көрүнмүтүгэр мөлтөөн биэрдит. «Көрдөөх стартарга» уонна «Эстафетаҕа» иккиэннэригэр 4-с миэстэни ыламмыт, Уус-Алдан кэнниттэн 2-с миэстэ буоллубут. Кэлэр өттүгэр спортка, чэпчэки атлетикаҕа (кыргыттарга) улахан болдомтону ууруохха наада эбит.  
8-с спартакиада «Айар талааннарын пааратын» көрүү конкурсугар ситиһиилээхтик

кыттан атын хамаандалартан таһыччы талааннаахтарын арыяан Партизан нэһилиэгин «Хомус» сынньалан киинин директоры С.Г. Алексеев, Е.Д. Рыкунова бу конкурса 1-кы миэстэни ылан, Нам улуунун хамаандата Спартакиада культурнай программатыгар, ону таһынан уопсай түмүккэ, инники күөҥнэ тахсытыгар улахан кылааттары киллэрдилэр. Онон намнар бары өтгүнэн талааннаахтарын, түмсүүлээхтэрин, кыайыыга дьулуурдаахтарын көрдөрдүлэр.  
**И. УВАРОВСКАЯ -**  
Күрүлгэн

